

赤城志卷第三十八

冢墓門

生而敬其人死而護其兆此賢人君子之所以能為世勸也余觀州之冢墓自三國以來抑何其寥寥乎其埋沒者已不存而其存者或不守翁仲子立兩披烟殘欲遐想遺風而長夜不可旦矣然自今考之亦有出於遺民故老之流傳而未訂其實者如徐梁三王之類是耶非耶今既不能知其非則不容不襲之以為是至於近世貴盛踵相躡則有不可備記者今斷自法從云

嘉定赤城志

卷之三十八

臨海

一臨海宋氏
重梓

吳陳尚書化墓在縣東一百三十里舊有碑隋末海寇仆之

陳史君熙墓在縣東南一百二十三里白楓山北

晉李史君成墓在縣東南一百二十五里白楓山南任隱君神廟墓在縣東九十里東刊山南前有石麟

又有九女冢乃其女弟之墓

樊府君墓在縣東南七里樊續與按太平御覽云舊有空冢猶餘敗鼓角焉

元相國墓在縣東一十五里舊傳唐元稹之後嘗為

州通判而死葬於此按今城東有元其姓者居之藏其祖拜相麻乃白居易行詞并書後有守取以遺秦煝此其為禎後無疑但稱相國者訛也

張中大康墓在縣東一百一十里玉峴山下

吳王墓在縣西一十四里失其名不知為何王也

韓天冢在縣西二十里鯉魚塢四山環合陰陽家謂

得子午卯酉之正上無林木石少土堅或云昔

之仙人有韓其姓者尸解於此今章安湖側黃

巖茶寮山亦各有之或云韓墓今不存舊葬於此

嘉定赤城志卷之三十八重梓

呂丞相頤浩墓在縣西北三十里褒忠顯績院左呂

時陳侍郎公輔營其柩於海上至一富姓家得之發其蓋有朱書呂安浩三字即主者姓名可

怪也

范丞相宗尹墓在縣東四十五里報恩衍慶院側

陳侍郎公輔墓在縣南三十里拘嶺

晁金紫公為墓在縣東南一百二十里金溪晁嘗為

州後葬此

曹開府勛墓在縣西四十里顯恩褒親院側

王參政之望墓在縣南二十里定業院側

綦內翰審禮墓在縣南一十里東山

李尚書擢墓在縣南一十九里寶巖院西子吏侍益
謙墓附焉

盧待制知原墓在縣東一百二十里柑桐

盧本山東人嘗夢有

告者云生山東死柑桐後果葬焉

姜寶學誥墓在縣東四十五里西溪

陳詹事良翰墓在縣南五里真空院右

謝參政廓然墓在縣南二十里楊梅山

謝丞相深甫墓在縣西北六十里保寧院側

商侍郎飛卿墓在縣西二十五里龍潭莊側

應諫議武墓在縣東北四十五里靈鷲院側

嘉定赤城志

卷之三十八

二臨海宋氏重梓

黃巖

天冢在茶寮山南世傳有人鋤山得物狀如鐵牕呼
其黨斲之見金棺熠熠有光忽雷雨暴至勢若
摧山裂石衆驚走及再往則有道士峩冠聳立
於雲靄間明日詣之岌然石也於是相與駭異
復封植之號云天冢

徐偃王墓在縣東南二十五里勝果院後山有土甗
臺址及石筍尚存按韓愈衢州廟記云王北走
彭城百姓從之王死號其山爲徐山鑿石爲室
以祠之則是其墓當在彭城矣又云或謂王之

逃戰不之彭城之越城之隅棄玉几覲於會稽之水則是其逃未有定止况其墓哉今象山雪川等處皆有偃王墓以一人而墓至三四誠不可攷然黃巖故會稽也今並墓之山亦名徐山與韓愈說合徐山南一十五里有偃王古城其敢臆斷以爲非耶

晉王氏墓在縣南七十里樓崎山墓甃螭形魚文貫以柳或爲錢狀旁有文云晉永和十二年歲次丙辰八月壬午瑯琊國或云八月壬午作方璧二千樓崎治典作或云太元十五年餘皆漫不

嘉定赤城志

卷之三十八

四臨海宋氏重梓

可識

許靈感王墓在縣東五里

唐李司直公亮墓在縣南一十五里墓志乃顏師本撰言其先隴西人以開成二年季冬六日旅窆於台州黃巖縣黃山西南之原

陸康業墓在縣東南一百里世傳爲宣公贄之後國初擢進士第倅永嘉而卒葬於此

謝參政克家墓在縣西五十里教忠崇報寺側

天台

唐豐尚書墓在縣東二里豐家橋近有人穿土得之

墓記云尚書五子最幼者名干爲僧卽豐干也
秦魯國賢穆大長公主祔都尉錢太師景臻墓在縣
西北二十里護國寺側少師忱參政端禮丞相
象祖仍祔焉

滕忠烈侯膺墓在縣北七里傳教院側

賀參政况中墓在縣東四十五里資福院

仙居

唐任相墓在縣北山五里今其溪曰任溪

韓顯謨昭墓在縣南五里管竹村

吳龍學芾墓在縣西一十里申塢

嘉定赤城志

卷之三十八

五臨海宋氏
重梓

寧海

吳屈尚書晃妻墓在屈母山

梁王墓在縣西北三十里梁王山上嘗於土中得鏡

劔弩牙焉一云墓不可知但有古杉一根人疑

其墓爾

田將軍墓在縣西一里昔墓圯獲鐵螯鎧卽靖邊侯

也詳見祠廟門

李常侍墓在縣北二十五里梅林江南後主之族

鄭都官墓

一呼爲鄭左史

在縣南五里大坑昔家於此舊傳

有牛落其鑿燭之棺已成土但見四壁彩畫如

新都官事錢忠懿王與葉尚書以下四人同諫
納土者也今誥勅猶存

葉尚書預墓在縣東北八十里東蒼

葉太傅景泰墓在縣東三十里梅枝

王尚書墓在縣東北五十里瀝洋嶺

張光祿質墓在縣西北五十里硤石

周中大祖墓在縣南五十里東嶼其家自越徙此嘉

祐五年忽有天燈見冢上其孫弁登第至元祐

二年復見弁二子煒炳又登第焉

羅提刑適墓在縣西南六十里馬山

嘉定赤城志

卷之三十八

六臨海宋氏
重梓

洪尚書墓在縣北二十里項塢

赤城志卷第三十八終 太平謝式南鈔弁校